

ԲՈՒՉԱՆԴԱՐԱՆ ՊԱՏՄՈՒԹԻՒՆԸ

ԵՐՐՈՐԴ ԴՊՐՈՒԹԻՒՆ

Ի ՍԿԻՉԲՆ

ԳԼՈՒԽ Ա.

1 Յաղագս որ ինչ յետ քարոզութեանն Թաղեսոսի Առաքելոյ յերկրին Յայաստան աշխարհին. կանոնք ժամանակագիր մատենից:

2 Ի քարոզութենէն Թաղեսոսի Առաքելոյ եւ ևորուն յելից եւ ի մարտիրոսութենէն մինչեւ ի կատարումն վարդապետութեանն Գրիգորի եւ իւրոյ հանգստեանն, եւ յառաքելասպան Սանատրկոյ արքայէն¹ մինչեւ յակամայ հնազանդելն հաւատոցն արքային Տրդատայ եւ ի ևորուն հանգիստն², զանցեալ իրացն զառաջնոցն զվարսն լաւացն, եւ որ զնոցուն հակառակ ընդդիմակաց, այն ամենայն ի ձեռն այլոցն գրեցան: 3 Բայց եւ մեք ի մերում աստ եղաք փոքր ի շատե ի կարգի պատմութեանս, ոչ զանց արարեալ թողաք վասն պատշաճ իրաց կարգին: 4 Վասն զի է ինչ մեր պատմութիւն՝ որ առաջին է, եւ է ինչ՝ որ վերջին է. իսկ որ միջին ինչ եղեւ, այն ի ձեռն այլոց գրել գրեցաւ: 5 Բայց զի մի՛ ի միջի մերոյ պատմութեանս ընդհատ երեւեսցի հուն մի, նշանակեցաք. զաւր աւրինակ աղիւս մի կարգած ի մեջ որմոյն շինուածոյ, ի կատարումն բովանդակութեան: 6 Այս ինչ որ ինչ յետ այսորիկ կարգի, աստ պատմի աստէն առ սմին:

ԳԼՈՒԽ Բ.

1 Յաղագս որ ինչ վասն մեծի քահանայապետին Գրիգորի եւ ևոցունց շիրմանցն:

2 Արդ ի թագաւորութեանն Տրդատայ՝ որդւոյն Խոսրովու, լուսաւորութեամբ հաճոյական սիրով եւ աստուածաշտութեանն հաւատոյ³, ծանալթութեամբ ի ձեռն Գրիգորի՝ որդւոյն Անակայ, մեծի քահանայի. եւ որոյ ընդ նմին կրսեր որդին Արիստակէս հաւրն էր գործակից եպիսկոպոսակից յամենայն ընթացս վարդապետութեան՝ զամենայն աւուրս կենաց իւրոց, մինչեւ յարն քրիստոսակոչ հանգստեան իւրոյ⁴: 3 Իսկ սոցա պատրաստեցան տեղիք բնակութեան, եւ արժանի եղեալ շիրիմք հանգստեան. մեծին Գրիգորի ի Դարանաղեաց գաւառին, ի գիւղն՝ որ անուանեալ կոչի Թորդան. եւ սրբոյն

1 Յօր. արքային

2 Յօր. եւ ի ևորուն հանգստեան արքային Տրդատայ

3 Յօր. միում լուսաւոր պաշտպանութեամբն հաւատոյ

4 Օրինակ մի՛ հօրն էր գործակից զամենայն աւուրս կենաց իւրոց: Իսկ սոցա, եւ այլն